

ქალაქ თბილისის მუნიციპალიტეტის საკრებულოს

სახელდებისა და სიმბოლიკის კომისიის სხდომის

ოქმი N 23

25 აგვისტო, 2023 წელი

ქ. თბილისი, თავისუფლების მოედანი N 2

13:00 სთ

კომისიის სხდომას უძღვებოდა სახელდებისა და სიმბოლიკის კომისიის თავმჯდომარე ნინო ვარდოსანიძე

სხდომას ესწრებოდნენ სახელდებისა და სიმბოლიკის კომისიის წევრები:

თინათინ ნიბლოშვილი

მარიამ ზაქარიაშვილი

შალვა ოგბაიძე

შოთა გრიგოლია

კომისიის თავმჯდომარემ კენჭი უყარა დღის წესრიგით წარმოდგენილ საკითხებს:

დღის წესრიგი

1. ქალაქ თბილისში, სამგორის რაიონში, ზურაბ მაჩხანელის ქუჩის გაგრძელების შესახებ.
2. ქალაქ თბილისში, საბურთალოს რაიონში, სიხარულის ქუჩის I ჩიხისთვის აკაკი გელოვანის ქუჩის სახელის მინიჭების შესახებ.
3. ქალაქ თბილისში, საბურთალოს რაიონში, ლისის ქუჩის გაგრძელების, მასთან მდებარე ორი უსახელო ქუჩისთვის და ოთხი შესახვევისთვის მაგნოლიის და აკაციის სახელების მინიჭების შესახებ.
4. ქალაქ თბილისში, ისნის რაიონში, ბერი გაბრიელ სალოსის გამზირთან მდებარე უსახელო სკვერისთვის მწერლის ჩინგიზ ათმათოვის სახელის მინიჭების შესახებ.
5. ქალაქ თბილისში, ნაძალადევის რაიონში, ანაპის 414 დივიზიის ქუჩასთან მდებარე უსახელო ქუჩისთვის აკადემიკოს გოჩა ჩოგოვადის სახელის მინიჭების შესახებ.
6. ქალაქ თბილისში, ისნის რაიონში, ჯუმბერ ლეჟავას ქუჩის მონაკვეთისთვის და მასთან არსებული უსახელო ქუჩისთვის იოანე ზოსიმეს სახელის მინიჭების შესახებ.

სხდომის თავმჯდომარემ კომისიის წევრებთან ერთად დღის წესრიგით წარმოდგენილი თითოეული საკითხი განიხილა.

კომისიის თავმჯდომარემ კომისიის წევრებს გააცნო პირველი საკითხი, რომელიც შეეხება სამგორის რაიონში, ზურაბ მაჩხანელის ქუჩის გაგრძელებას. კომისიაში შემოსულია სსიპ „საჯარო რეესტრის ეროვნული სააგენტოს“ სამისამართო დეპარტამენტის უფროსის მოვალეობის შემსრულებლის გიორგი ტაბატაძის წერილი, რომლითაც მოქალაქე ანასტასია რეხვიაშვილის მიმართვის საფუძველზე ითხოვს მისამართის მინიჭებას.

კომისიის წევრებმა საკითხს დადებითი რეკომენდაცია მისცეს.

მეორე საკითხი შეეხება საბურთალოს რაიონში, სიხარულის ქუჩის I ჩიხისთვის აკაკი გელოვანის ქუჩის სახელის მინიჭებას. საკითხის შესწავლისას აღმოჩნდა, რომ

რეალურად სიხარულის I ჩიხი წარმოადგენს აკაკი გელოვანის ქუჩის გაგრძელებას. კომისიამ დადებითი რეკომენდაცია მისცა საკითხს.

მესამე საკითხის განხილვისას ნინო ვარდოსანიძემ ისაუბრა საბურთალოს რაიონში, ლისის ქუჩის გაგრძელების, მასთან მდებარე ორი უსახელო ქუჩისთვის და ოთხი შესახვევისთვის მაგნოლიის და აკაციის სახელების მინიჭების შესახებ. კომისიაში შემოსულია სს „ლისი ლეიქ დეველოპმენტის“ წარმომადგენლის წერილი, რომლითაც ითხოვს კომპლექსში „მწვანე ქალაქი ლისზე“ უსახელო ქუჩებისთვის სახელების მინიჭებას. კომისია შესაძლებლად მიიჩნევს ხსენებულ კომპლექსთან მიმართებით სახელწოდებების შერჩევის ძველი პრაქტიკის გაზიარებას და ქუჩებისთვის მაგნოლიისა და აკაციის სახელების მინიჭებას.

კომისიის წევრებმა მხარი დაუჭირეს მხარი აღნიშნულ საკითხს.

მეოთხე საკითხი შეეხება ისნის რაიონში, ბერი გაბრიელ სალოსის გამზირთან მდებარე უსახელო სკვერისთვის მწერლის ჩინგიზ ათმათოვის სახელის მინიჭებას. ჩინგიზ ათმათოვი იყო ყირგიზი მწერალი, ყირგიზული ლიტერატურის კლასიკოსი.

ნინო ვარდოსანიძემ კომისიის წევრებს გააცნო დღის წესრიგით წარმოდგენილი მეხუთე საკითხი, რომელიც შეეხება ნაძალადევის რაიონში, ანაპის 414 დივიზიის ქუჩასთან მდებარე უსახელო ქუჩისთვის აკადემიკოს გოჩა ჩოგოვადის სახელის მინიჭებას. გოჩა ჩოგოვადის თაოსნობით 1971 წელს საქართველოს პოლიტექნიკურ ინსტიტუტში დაარსდა მართვის ავტომატიზებული სისტემების კათედრა, 1981-1986 წლებში ის მუშაობდა საფრანგეთში, იუნესკოს სათავე ოფისში განათლების სექტორის ინფორმატიკის განყოფილების უფროსად. 1990 წელს მისი თაოსნობით და უშუალო მონაწილეობით საქართველოს პოლიტექნიკურ ინსტიტუტს შეეცვალა სტატუსი, მას გადაერქვა სახელი და გახდა საქართველოს ტექნიკური უნივერსიტეტი, რის საფუძველზეც უნივერსიტეტში. შეიქმნა ახალი, ჰუმანიტარული სპეციალობების სამეცნიერო და სასწავლო ერთეულები. კომისიას მიზანშეწონილად მიაჩნია გოჩა ჩოგოვადის სახელობის ქუჩის არსებობა დედაქალაქში.

ბოლო საკითხი შეეხება ისნის რაიონში, ჯუმბერ ლეჟავას ქუჩის მონაკვეთისთვის, იოანე ზოსიმეს ქუჩის მონაკვეთისთვის და მასთან მდებარე უსახელო ქუჩისთვის იოანე ზოსიმეს ქუჩის სახელის მინიჭებას. იოანე ზოსიმეს, ჯუმბერ ლეჟავას და მასთან არსებული უსახელო ქუჩის გაერთიანებით თბილისის მერიის მიერ წარმოიქმნა ისნისა და მახათას აღმართის დამაკავშირებელი ახალი გზა. ტერიტორიაზე განხორციელდა მნიშვნელოვანი სახეცვლილება, რამაც მოახდინა არსებული გზათა ქსელის კორექტირება და დღის წესრიგში დადგა სახელდების აუცილებლობა. კომისიამ დადებითი რეკომენდაცია მისცა აღნიშნულ საკითხს.

ვარდოსანიძის განცხადებით, წარმოდგენილი საკითხები მოქმედი კანონმდებლობის შესაბამისად ინიციატივებად დარეგისტრირდება საკრებულოს წინაშე, რეგისტრაციიდან არაუადრეს 20 დღისა გაიმართება საჯარო განხილვა და ამის შემდგომ მოხდება საკრებულოს სხდომაზე გატანა.

სხდომის თავმჯდომარემ სხდომა დახურულად გამოაცხადა.

სახელდებისა და სიმბოლიკის

კომისიის თავმჯდომარე

ნინო ვარდოსანიძე

